

Митрофан, свт., еп. Текст изустной духовной св. Митрофана, еп. Воронежского // Богословский вестник 1897. Т. 1. № 2. С. 1–20 (4-я пагин.).

Изустная духовная св. Митрофана, епископа Воронежского.

Буди имя пребезначальныя, всетворящія ¹⁾, единосущныя Святыя Троицы Бога Отца, Сына и Святаго Духа благо- ^{1 л. Ветрительная часть.} словенно и препрославленно отъ всея видимыя и невидимыя твари во вѣки. Аминь.

Безмѣрнымъ благоволеніемъ и неизреченною благостію Всетворца нашего Бога по образу и по подобію Его со- творенный и созданный въ бытность вѣчную человѣкъ ²⁾ уже не уничтожится ³⁾ никако и пикогда же; ему же долгъ по всякому образу благородіемъ своимъ душевнымъ знати славити Бога, зрѣти къ Нему, уповати на Него и *о всемъ* ⁴⁾, по учительству Святаго Апостола Павла, *благодарити*, яко *вся сотвори Онъ Премудростію Своею* и присно творить и претворяетъ, якоже хочетъ, все въ полезное чело- ^{1 Солун. V, 17.} вѣку дѣла, вещи и помышленія: да всячески къ жизни гор- нѣй ⁵⁾ блаженнѣй имство воздержавствитъ заповѣданное ⁶⁾, еже Самъ Пресладчайшій Спаситель нашъ Иисусъ, возводя насъ въ первоостояніе небеснаго наслѣдія, глаголаше: *Возстаните, идемъ отсюда*. И здѣ ⁷⁾ убо колика лѣта ^{2 л. Иоан. XIV. 31.} кто живяй, обаче конецъ по предѣлу Божию ⁸⁾ жизни при- емлетъ и разрѣшается всякъ мудросозданный ⁹⁾ человѣкъ:

1) *Въ текстъ*.—...пренаачальныя, всетворивыя.

2) Сотворенны и созданны въ бытность вѣчную человѣка.

3) Не воничтожится.

4) ..во всемъ.

5) ..горнѣ.

6) Идѣ.

7) ..заповѣданнѣ.

8) . предѣла Божія.

9) ..миросозданный.

тѣло естественное органное сродной четверницѣ стихій предастся, душа же на правосудіе Божіе пріемлется и послѣдитъ аще благая, аще злая. яже съ тѣломъ си содѣла, по дѣяніямъ ¹⁰⁾ мзду.

Убо ¹¹⁾ Его же Творца моего благостію азъ рабъ грѣшнѣйшій Господа Бога, Митрофанъ, епископъ Воронежскій, родительми благочестивыми родихся въ мірѣ сей и во благочестіи непоручномъ Восточныя Церкви въ православной вѣрѣ воспитанъ и доидохъ судьбами Божіими состарѣніа лѣтъ нынѣ седмидесяти пророческія Святаго Давида мѣры, естественною же моего ¹²⁾ тѣлесе крѣпостію изнемогаю ¹³⁾.

Псал.
XXXIX, 10.

3 л.

Сего ради, намятствуи о смерти послѣдняго разрѣшительнаго часа яко отъ здѣ всяко имамъ итти къ Богу Творцу моему естественный долгъ отдати, нынѣ воли моея положеніе, здравствуяй умою моимъ и цѣлостію разума, судихъ ¹⁴⁾ сіе духовное послѣднее мое писаніе написати, како бы души ¹⁵⁾ и тѣлу моему сотворити помощь и прещедрый Владыка нашъ Господь даровалъ бы милосердіе свое мнѣ смиренному и грѣшному.

Како же ¹⁶⁾ кому памѣреніе мое ради Господа Бога исполнити подобаетъ, здѣ завѣщаваю, прошу и молю, и о мнѣ творю извѣстіе.

* * *

*Исповѣданіе
въ вѣры.*

Во первыхъ убо извѣствую симъ писаніемъ мою вѣру, яко вѣрую въ Бога въ Троицѣ Святей единаго, по наученію Самого Спасителя нашего Бога, по проповѣданію Святыхъ благопроповѣдниковъ Апостоловъ и Богоносныхъ ¹⁷⁾ Отецъ Святыхъ Восточныя Церкви и еже Святіи Отцы на седьми Вселенскихъ Соборѣхъ, Духомъ Святымъ собраніи, предаша и научиша, въ томъ до послѣдняго моего издыханія пребываю, яко истинный сынъ Святыхъ Восточныхъ Со-

¹⁰⁾ ..Въ текстѣ: дѣяніемъ.

¹¹⁾ Ибо.

¹²⁾ .. моею

¹³⁾ ..изнемогаю.

¹⁴⁾ ..судихомъ.

¹⁵⁾ ..души.

¹⁶⁾ Такжеже

борныя и Апостольскія Церкви несомѣнно. Всегда же душа моя грѣшная разрѣшится отъ союза плоти сея, вручаю ону душу свою Премудраго Бога, создавшаго ю, непобѣдимому благоутробію, да приметъ ю милостивно, яко свое дѣло; тѣло же мое окаянное и кости грѣшныя предаю матери всѣхъ, отъ нея же взято бысть, чая оттуда воскресенія мертвыхъ въ послѣдней трубѣ возстати совершенно.

4 л.

Та же завѣщаваю, тѣмъ же убо, братіе, нынѣ и нашего смиренія и моленія пріимите, о немъ же молю васъ, и по смерти сотворите послушаніе ко Господу Богу, священныи чинъ всея епархіи моея, священноигумены, священноиноки и мірскіе іереи и діаконы и весь священныи чинъ, сохраните убо себе отъ скверныхъ сатанинскихъ всякихъ дѣлъ нечистыхъ, якоже глаголетъ Златоустый: отверзите отъ себе пьянство, обьяденіе, лишитесь тяжбы и сваровъ и хулы на друга своего и сквернаго мздоиманія, клятвы и лжи, скупости и ненависти и лукавства, блуда и всякія нечистоты бѣгайте. Со всякихъ опасствомъ живите и заповѣдемъ Господнимъ внимайте, сему учитесь, сему другъ друга понуждайте, како бы вамъ непорочнымъ стати на Страшнѣмъ и грозномъ судѣ во второе пришествіе Христова, егда будетъ судити всей вселеннѣи, и како слово воздати о людѣхъ комуждо въ паствѣ своей. Того ради всяко попецитесь о своемъ спасеніи и образъ сами себе ¹⁸⁾ покажите во всякомъ благочестіи, якоже Евангелистъ Матѳеи повѣствуетъ, *яко да видятъ ваша добрая дѣла и прославятъ Отца вашего, Иже есть на небесѣхъ*; вамъ бо есть и слово воздати о стадѣ своемъ. Златоустый глаголетъ: аще убо кто одинаго отъ сихъ изгубить паствы свояе небреженіемъ, не все-ли свое превратилъ есть спасеніе? Простецъ бо согрѣшившій за свою едину душу отвѣтъ дастъ Богу, игумени и іерей—за многихъ паствы свояе дастъ Богу отвѣтъ; иже млеко и волну отъ стада емлющи, а о овцахъ не пекущися, о нихъ же слово имате воздати въ великій онъ день, како имате избѣжати толико нерадивши о спасеніи. И паки Господь рече: *Горе вамъ, яко затворяете Царство Небесное предъ чловѣки, сами не входите и хотяшимъ возбраняете.*

Поучителіе священному чину.

5 л.

Мѳ. V. 16.

Иезек. XXXIV, 31

Матѳ. XXIII, 13.

18) Въ текстъ:... образъ себѣ сами себе.

Иезекіил.
XXXIII,
7-8-9.

6 .

Та же речено бысть Іезекіилемъ пророкомъ: *Сыне чело-
вѣчь! въ стража ¹⁹⁾ дахъ ты дому Израилеву, и услы-
шиши ²⁰⁾ отъ устъ ²¹⁾ Моихъ слово и проповѣси ²²⁾ имъ
отъ мене. Внегда глаголю беззаконнику смертію умреши
и не возвьстииши и не запретиши отъ беззаконія его,
ни созлаолиши. яко останеся беззаконнику и обрати-
тися отъ пути его, яко же живу быти ему, той въ без-
законіи своемъ умретъ, крови же отъ руки твоея Богъ
взыщеть въ день Страшнаго праведнаго суда. Ты же аще
возвьстииши беззаконнику и не обратися отъ беззакон-
нія своего и отъ пути своего беззаконнаго, то беззакон-
никъ въ беззаконіи своемъ умретъ, а ты душу свою из-
бавиши.*

7 .

Тѣмъ же убо мы слышаще, сынове и братія моя, отъ
Владыки нашего Бога таковыя дары намъ даровавшаго, паче
же отъ Святыхъ Отець почести и хвалы, не украсимъ-ли
сами себе кротостію и смиреніемъ и всякимъ благочиніемъ
и ²³⁾ всяко подвигнемся о своемъ спасеніи, паче же о лю-
дѣхъ. Златоустъ глаголетъ сіе: Владыка нашъ насъ ради
умре, ты же ни слово произносиши: и кую имѣти имаши
милость, котораго отвѣта получитьи ²⁴⁾, како на судищи
станеши Христовѣ со дерзновеніемъ, рцы ми; колико душъ
пагубу презирая, чистъ еси *) отъ крове вѣхъ. Сія сло-
веса предстануть въ день Господа нашего Іисуса Христа
мнѣ и вамъ, и, аще убо покоритесь заповѣдемъ Господ-
нимъ и о чемъ я вамъ возвѣщаю много, подадутъ вамъ
дерзновеніе на Страшномъ судѣ Христовѣ; аще ли же пре-
слушаете заповѣдь Господню и нашего показанія,—ни бо
обинухся, еже не возвѣстити вамъ весь совѣтъ Божій, но
и вдахъ сребро торжникомъ: ваше же есть, еже умножити
вданное и послушаніе пользою ко спасенію нашихъ братій
заимствовать:—но ли ²⁵⁾ бременно и тяжело есть возвѣщати?...

¹⁹⁾ Въ текстѣ:... стражъ.

²⁰⁾ . . . да слышиши.

²¹⁾ . . . и не воспретиши.

²²⁾ . . . устенъ

²³⁾ . . . во.

²⁴⁾ . . . получиши.

^{*}) . . . азъ.

²⁵⁾ Неужели?

Иже таковая согрѣшающихъ, бременно убо и тяжко есть, еже молчати: пбо вамъ покрывающимъ и онѣмъ тлящимся пгубу наводитъ сіе молчаніе. Тѣмъ же, сынове и братіе, послушайте того-жъ Златоуста глаголюща: зане либо ²⁶⁾ аще и согрѣшили о себѣ самъ, ничтоже постраждеши таково; аще же іерей сый, погибнуть еси. И многи убо о сихъ таковая свидѣтельства—въ Божественномъ писаніи къ подвигу нашего исправленія, а христіанскія вѣры нашея подтвержденія, и народомъ—еже исправить благочестія. Тѣмъ же убо, сынове и братія, слышавше сіе страшное прещеніе Божіе ²⁷⁾ къ пророку, тако-же и Святыхъ Отець наказанія съ прещеніемъ,—убойтеся, устыдитесь и смирите себе, страшно бо впасти въ руцѣ Бога живаго: на сіе бо мы позваны есмы, еже намъ собою показати образъ благочестія и тако люди въ благоразуміе привести. Тѣмъ же умножите талантъ, ввѣренный вамъ отъ Бога, учите люди Божія, священницы—дѣти своя духовныя и приходскія люди каждо въ своемъ предѣлѣ, мужеска пола и женска, и дѣти ихъ учите, чтобъ жили въ заповѣдѣхъ Господнихъ, въ покаянніи и въ милостыни и въ любви нелицемѣрно, и за то отъ Бога примете милость отъ Него и получите ²⁸⁾.... Азъ бо, грѣшный, вся сія рекохъ вамъ, и паки глаголю, яко истязати насъ имать Богъ, аще съ лѣпостію творимъ дѣло Божіе. Убойтеся реченнаго пророкомъ и апостоломъ Павломъ: *проклятъ-бо*, рече Божественное писаніе,—*творяй дѣло Божіе съ небреженіемъ*.

8 1.

Галат. III.
10

Къ сему же, братія и чада моя, Божественная писанія ²⁹⁾ любите и въ нихъ поучайтеся: писаній бо прочитаніе, небесѣмъ есть отверзєніе ³⁰⁾; мнози бо непрочитаніемъ книгъ съ праваго пути совратишася. Вы же убо, сынове и братіе нашего смиренія о Господѣ, избирайте разумѣнія отъ Божественныхъ писаній ³¹⁾, яко же добрая пчела, пребывающе на цвѣтѣхъ и сотъ взимающи, бытіе же оставляющи; ложныхъ же книгъ не почитайте и отъ еретикъ уклоняй-

²⁶⁾ Въ текстъ ... любо.

²⁷⁾ .. страшная прещенія Божія.

²⁸⁾ Пропускъ въ текстѣ.

²⁹⁾ ..Божественное Писаніе

³⁰⁾ ...отверженіе.

³¹⁾ ..о Божественныхъ писаній.

тесея и сообщенія съ ними не имѣйте; а бусловцемъ и сквернословцемъ, во всяческихъ Богохульникомъ не отъ Божественныхъ писаній и суетная и ложная глаголющимъ, яже на пагубу правовѣрнымъ душамъ, уста заграждайте и возвращайте, отъ Писаній слово приѣмте. Аще ли кто будетъ сопротивлятися Соборныя Церкви преданію и нашему поученію по Святыхъ Отецъ указанію,—и вы, сынове и братіе, о сихъ помолитесе, по апостолу Павлу: *братіе, молитесе другъ о другъ, яко да исцѣльете*, и на истинный путь по первомъ и второмъ наказаніи обратите заблудшихъ, научите, *запретите, настойте*, понудите люди Божія ко благочестію, всячески цѣлите недужныя. *яко* время убо обуреваемо есть и *дне лукави суть* и люди на зло уклонишася.

Того ради дѣти своя духовныя и приходскія люди кійждо во своемъ приходѣ, мужеска полу и женска, и дѣти ихъ неослабно наказуйте страху Божию и отъ всяко Богомерзкихъ дѣлъ возвращайте, ово моленіемъ, ово наказаніемъ отъ Божественныхъ писаній. Къ симъ же разумѣйте игумены и священницы, кого отлучити отъ Тѣла Христова и еже отъ Церкви, на колико либо ³²⁾ время; аще-ли же кто самъ недоумѣетъ, то да и вопрошаетъ вѣдущаго, яко же и Господь рече: *просяй убо приметъ и ищай убо обрящетъ и толкущему отвержется*.

Къ сему же убо игумены и священницы нашего предѣла всѣхъ церквей священницы и діаконы и весь причтъ церковный всякое убо церковное пѣніе со страхомъ и по чину и по уставу вся исполняйте, якоже предаша намъ Святіи Отцы, паче же Божественную литургію, идѣ же страшная Божественная Вечеря дѣйствуется, идѣ же Сынъ Божій за всѣхъ насъ спасеніе ³³⁾ закалается, храните со страхомъ и трепетомъ; и николи же внидите во святую церковь вражду на клеветета своего имуща ³⁴⁾, паче же во святой алтарь входите ³⁵⁾ со страхомъ и трепетомъ и поклоненіе творите ко престолу славы Божія, а пѣанный во святую цер-

³²⁾ Въ текстъ... любо.

³³⁾ ... спасенія.

³⁴⁾ . имуща.

³⁵⁾ ... ходихомъ.

ковъ и во святой алтарь или гнѣвъ имѣй³⁶⁾ на кого, да не внидетъ. Тако жъ и народы наказуйте творити, и о спасеніи душъ своихъ и о тѣхъ веліе попеченіе имѣйте. Къ сему же по всѣмъ церквамъ отъ народовъ простымъ людямъ кромѣ параекклесіарха во святой алтарь входа не дадите. Ни како же³⁷⁾ и николже во многоглаголаніи по вечернѣмъ пѣніи и до литургіи пребывше, приносите³⁸⁾ Пречистую Жертву: по утишивъ³⁹⁾ мысли, молитву пошлите къ Богу своему и не озирайтесь⁴⁰⁾ вспять въ мысляхъ своихъ, и умъ весь имѣйте горѣ: со ангелы бо⁴¹⁾ вамъ служити; и тако Безкровную Жертву приносите и не мыслите въ той часъ земныхъ ничтоже, заπε Небснаго Царя пріемлете въ сердцѣ своемъ⁴²⁾. Аще ли же кому спакоститъ врагъ любодѣйствомъ, или гнѣвъ имуща⁴³⁾ на кого, или иною какою виною, — да лишится службы: недостойнство бо іерейское паче всего сводитъ на люди гнѣвъ Божій; мнози бо невѣгласи іереи впадшу⁴⁴⁾ въ каковой либо⁴⁵⁾ грѣхъ повелѣваютьъ служити, давъ эпитимію, строяще на ся муку безконечную, и сихъ слюше⁴⁶⁾ во до адово: различно бо паденіе іерею бываетъ. Тѣмъ же убо подобаеъ о таковыхъ епископомъ возвѣщати, и ти да разсудятъ по правиламъ апостольскимъ и отческимъ, не мощно бо разрѣшити, его же они связаша, ни вязати, его же они не повелѣша, но послѣдующе Соборомъ Святыхъ Отецъ влзати же и рѣшити.

11 л.

Блюдите же іереи и чады вашихъ, иже родившихся отъ васъ, да не блудомъ преже брачнаго времени осквернятся, и наказуйте, и за сыновніи грѣхи осужденіе пишеть и мукою претить⁴⁷⁾. Челяды же свою, рабовъ и рабынь нака-

12 л.

³⁶⁾ ... имѣть.

³⁷⁾ Никакого же бо.

³⁸⁾ ... приносите.

³⁹⁾ ...на утишившии.

⁴⁰⁾ ...озирайтесь.

⁴¹⁾ ...и со ангелы бо.

⁴²⁾ ...въ сердца своихъ.

⁴³⁾ ... имуща.

⁴⁴⁾ ...іерей впадше.

⁴⁵⁾ ...либо.

⁴⁶⁾ ... строяще его на муку безконечную и слюше.

⁴⁷⁾ Прочусь въ текстѣ: Стич. Поученіе свещеиноставаисимъ въ

зуйте страху Божию, и на покаяніе приводите, а гладомъ не морите, и наготою и босотою не томите; но любите я, аки своя уды, или яко Христось всѣхъ насъ, тако же творите и дѣти своя духовная наказуйте.

Сія ⁴⁸⁾ вся, любя вы, написахъ, и аще сице сохраните завѣщанная нами, тогда возвеселите ангелы и удивите ⁴⁹⁾ и отъ нашего смиренія благословеніе на ся приимете, и молитва ваша услышана будетъ отъ Бога.

Слышите убо и еще, сынове и братіе о Господѣ нашего смиренія, что речеть правило: аще речеть правило — да извержется, то уже изверженъ, аще ли речеть — да отлучится, то — на время нѣколько противу грѣха отлучится. И паки слышите, іерейскій чине, иже въ нечистотѣ и въ страстѣхъ живущіе, а наказаніе отъ Бога не приѣмлюще! Аще не покаетесь и не очистите себе добрыми дѣлы, то ожидаетъ васъ тамо мука вѣчная. Слышите Святая Писанія, глаголющая, аще впадетъ попъ или діакопъ въ блудъ или онъ грѣхъ сотворить, иже возбраняетъ священства, да отлучится и не служитъ! Тако же не подобаетъ предстати служителю Божию во святѣмъ алтарѣ имущу гнѣвъ на кого, но первѣе смиритися, и тогда начати служити со страхомъ и трепетомъ Божественную службу.

13 л.

Къ сему же не достоитъ попови красныхъ ризъ носить, но смиренны, яко же и краткихъ портъ не подобаетъ носить, но до глезну, да со страхомъ и трепетомъ вся освященная црковная и службы творить, ниже паки устыдится кого, или убоится, ниже убо самого царя.

И недостойтъ никако же подати Дары недостойнымъ и пребывающимъ во грѣсѣхъ, дондеже останутся отъ грѣхъ и покаются достойно отъ всего сердца; а иже служатъ попови съ лицемѣріемъ и подаютъ Пречистое Тѣло и Кровь Христову осквернившимся нѣкоторымъ блудомъ и лихоимаіемъ ⁵⁰⁾ и прочими страстьми нечистыми, или враждующимъ на друга, или піаницамъ, или татѣмъ, или инъ который грѣхъ творящимъ, иже возбраняетъ отъ Причащенія прежде даже не

Никон. Корч.: „любо святитель безъ грѣха бывъ предъ Богомъ, за сынвннй грѣхи, посланъ будетъ въ муку“. Пст. Акт. Т. 1, № 109.

⁴⁸⁾ Си.

⁴⁹⁾ ..возвеселите и ангелы удивите.

⁵⁰⁾ ...лихоимаемъ.

очистится отъ таковыхъ и эпигіями не исправится, — и подадутъ имъ Пречистые Дары, таціи попове, яко предавый Господа Іуда, осудятся, да не пріобидѣны будутъ святыя Тайны лѣнностію, или борзяся. И да не осквернить муха Даровъ, или мышъ; аще ли что отъ тѣхъ вкусить отъ небреженія іерейскаго, то осудится вельми въ будущій вѣкъ. А молитвъ убо отнюдь не подобаетъ глаголати борзостію, но съ кротостію и внятно и чисто, да не въ досаду Богу будетъ глаголемое и да не въ пагубу себѣ. Пиже паки нечисту просфору или прѣсну ломити и принести въ чашу, ни вина лѣяти въ чашу, но смѣсити вино чисто съ молитвою и съ водою чистою во святую чашу; и паки имѣти попови чисту одежду во святомъ алтарѣ, ибо по чину подобаетъ имъ вся творити чисто Святыя Тайны службу, да пріятна ³¹⁾ будетъ Богу Святая и безкровная жертва. Иже сію Божественную службу достойно служатъ, тіи животъ вѣчный наслѣдять и Царство Небесное, а иже не по чину, — то въ пагубу себѣ и во осужденіе.

111.

И егда азъ во иноцѣхъ прешедшаго 7171 лѣта пришедь въ предѣлѣхъ града Суждаля обители Пресвятыя Богородицы Успенія, зовомой Золотниковскія пустыни общаго житія по стрыгохся въ монашескій чинъ.

Повѣствованіе Святителя о самомъ себѣ
151.

И отъ общанія моего изъ тое пустыни переведенъ града Владимира въ предѣлѣхъ обители Пречистыя Богородицы, зовомой Казмина монастыря, по челобитію того монастыря братіи и вотчинныхъ крестьянъ, и между патріаршества благословенъ Преосвященнымъ Павломъ, митрополитомъ Сарскимъ и Подонскимъ во игуменскій чинъ; и пребыхъ въ томъ монастырѣ мало неисполнено десять лѣтъ.

И изъ того монастыря по волѣ и по благословенію святѣйшаго киръ Іоакима, архіепископа Московскаго и всея Россіи и всѣхъ сѣверныхъ странъ патріарха, переведенъ града Галича въ предѣлѣхъ во обитель Живоначальныя Троицы и преподобнаго отца нашего Макарія Желтоводскаго и Уженскаго чудотворца, идѣ же положено тѣло его святое; и пребыхъ въ томъ монастырѣ пять лѣтъ и шесть мѣсяць.

И въ прошломъ во 190 году апрѣля во 2 числѣ за по-

31) Въ текстѣ... пріята.

16 л. вельнїемъ Благочестивѣйшаго Великаго Государя Царя и Великаго князя Θεодора Алексѣевича всея Великія и Малыя и Бѣлыя Россіи самодержца благословень ⁵²⁾ святѣйшимъ кирь Іоакимомъ архіепископомъ Московскимъ и всея Россіи и всѣхъ сѣверныхъ странъ патріархомъ, и съ совѣту преосвященныхъ митрополитовъ, архіепископовъ и епископовъ и всего освященнаго собора произведенъ въ Богоспасемый градъ Воронежъ первопрестольникомъ на епископскій престолъ во святую соборную и апостольскую церковь Благовѣщенія Пресвятыя Богородицы и въ духоводство и управление Церкви Христовой и многоаго народа уже..... ⁵³⁾ лѣто имамъ.—Сего ради зѣло болѣзную, еже мое общаніе во единствѣ житія не исполнися; къ сему ⁵⁴⁾ о истязаніи и взысканіи предавнаго мнѣ грѣшному епископу Митрофану народа христіанскаго вельми боязнію содержуся.

Прощаніе со всею Божією церковію.

17 л. Тѣмъ же слезно прошу у всея Божія Церкви, у отцовъ своихъ святѣйшихъ патріарховъ православныхъ и у преосвященныхъ митрополитовъ, архіепископовъ и епископовъ, и ⁵⁵⁾ кто по мнѣ будетъ братъ мой во градъ Воронежъ на архіерейскомъ престолѣ прощенія и во всемъ разрѣшенія прошу и у освященнаго собора и у всего православнаго народа молитвъ святыхъ смиренно веліемъ усердіемъ прошу, да помолятся о душѣ моей ко Господу Богу и Пречистѣй Дѣвѣ Богородицѣ Маріи, да сотворитъ Господь Богъ милость бѣдствуемѣйи душѣ моей и проститъ согрѣшеніе мое и сподобитъ мене Царствія Небеснаго. И по семъ благословеніе подаю и прощеніе паствы своея епархіи, священноигуменомъ, іеромонахомъ и монахомъ и монахинямъ и всему иноческому чину, священникомъ и діакономъ и всему причту церковному, и всѣхъ священнаго и духовнаго чину, и весь народъ христіанскій мужеска полу и женска паствы своея и епархіи благословляю. прощаю и разрѣшаю кающихся всесовершенно во всѣхъ приключеніяхъ, а которые жъ священнаго чина люди въ тяжкихъ винахъ священства лишены, и тѣмъ прощеніе буди; а тайнодѣйствовати по пра-

⁵²⁾ *Въ текстѣ...* и благословень.

⁵³⁾ Пробѣлъ въ текстѣ.

⁵⁴⁾ . всему

вильмъ святыхъ отецъ и по нашему сужденію никакоже попустятся ⁵⁵⁾).

Аще же кого чѣмъ прогнѣвахъ и досадихъ или оскорбихъ коего либо сана люди и чина каковымъ либо образомъ яко челоувѣкъ согрѣшихъ, будучи въ достоинствѣ сего великаго начальства, смиренно прошу согрѣшеніямъ моимъ прощенія у нихъ ⁵⁶⁾).

При семь же послѣдній мой пастырскій долгъ отдаю и предлагаю въ душевную пользу во спасеніе же вѣчное епархіи своея во градѣхъ же и селѣхъ и во всякихъ мѣстѣхъ пребывающимъ *) всякое опасство о благочестіи и о спасеніи душъ своихъ имѣти на содержаніе и управление нашея православныя вѣры и отечественнаго наслѣдства своего. Да пребываютъ вси православные христіане въ прародительствѣ своемъ благочестиво и праведно во всякомъ изрядствѣ, и жительствовати въ чистотѣ, въ воздержаніи же и святыни и въ покаяніи подобаетъ, образу благихъ дѣлъ, — по святому апостолу, народомъ епархіи своея благочестивымъ быти усердствую ⁵⁷⁾).

Вѣру же православно-каеолическую къ Богу вседушно любовію имѣти и Церковь святую едину во вселеннѣй, яже ⁵⁸⁾ на востоцѣ и въ насъ утвердися истинною, яко матеръ чествовати и пребывати въ ней неотступно правому ученію непоколеблему, и преданія и ученія **) отъ Отцевъ Святыхъ на соборѣхъ ⁵⁹⁾ опредѣленная и утвержденная содержати крѣпцѣ, и ни въ чемъ же порушно и не-

⁵⁵⁾ Въ текстѣ ... попустится.

⁵⁶⁾ Далѣе въ текстѣ повторяются слова, помѣщенные выше: „Всегда же душа моя разрѣшится отъ союза плоти сея, вручаю ону душу свою премилосердаго Бога создавшаго ю ненѣбѣдному благоутробію, да пріиметь ю милостивно, яко свое дѣло; тѣло же мое окаянное и кости грѣшныя предаю матери всѣхъ, отъ нея же взято бысть, чая оттуду въ послѣдней трубѣ возстати совершенно“.

*) пребывающихъ.

⁵⁷⁾ ... подобаетъ образъ благихъ быти, по святому апостольству, народомъ епархіи своея благочестивымъ и зѣло усердствую. — Составъ текста въ данномъ случаѣ выясняется чрезъ сличеніе съ соотвѣтствующими словами въ Духовномъ Завѣщаніи патріарха Іоакима.

⁵⁸⁾ .. якоже.

*) ... преданіе и ученіе.

⁵⁹⁾ .. на соборѣхъ.

поколебимо ^{*)} имѣти. Яко же бо *безъ вѣры* правыя *Богу* *угодити невозможно*, такожде и кромѣ Церкви святыя Восточныя мудрованія и свѣтлаго Богопреданнаго тоя ученія невозможно кому спастися; и юже ⁶⁰⁾ чрезъ святыи символъ вѣруемъ едину святую соборную и апостольскую церковь быти ⁶¹⁾, убо оную хранити отъ всякихъ ересей и соблазненныхъ навѣтовъ ⁶²⁾.

5) *О правосудіи.*

А епархіи нашае но градѣхъ судіямъ—о правосудіи ⁶³⁾ въ дѣлахъ гражданскихъ всячески да поцекутся и судъ праведенъ да судятъ, ибо милость и любовь въ томъ всякому явять ⁶⁴⁾ многу, зане зѣло неправда въ сужденіяхъ и коварство ⁶⁵⁾ въ людехъ умножися, обидими же всякихъ чиновъ люди и вдовицы и сироты и немощніи ⁶⁶⁾ во убожествѣ ⁶⁷⁾ люди зѣло во оскорбленіи мнози плачуть, ибо судъ Божій въ людехъ Его вамъ, судіямъ, вручися, избавите всякаго отъ неправды ⁶⁸⁾.

с) *Предостереженіе отъ содружества съ иновѣрцами.*

20 л.

Еще же завѣщаваю епархіи своая всякому чину православымъ христіаномъ съ еретиками и иновѣрцами съ латыни и лютеры, кальвины и злобожными татары (ихъ же гнушается Господь и Церковь Божія съ богомерзкими прелестями ихъ проклинаеть) ⁶⁹⁾ общенія въ содружество не творити ⁷⁰⁾; но яко враговъ Божіихъ и ругателей церковныхъ тѣхъ удалятися, отнюдь бо со иновѣрцами содружества не имѣти и во укориэну о вѣрѣ не разговаривати ни съ кѣмъ и обычаевъ бы ихъ иностранныхъ по своимъ ихъ ересямъ на прелестъ христіаномъ отъ нихъ не слушати, и сіе бы имъ заперещати на крѣпко ⁷¹⁾. Татарово зловѣрные

*) .. порочну и непоколебичу.

60) спастися, юже.

61) .. бысть.

62) ... навѣтовъ снабдѣвали.

63) о правосудіи же.

64) . явить.

65) .. коварствахъ.

66) .., немощны.

67) ... во убожествѣ же.

68) ... ибо судъ Божій въ людехъ всякаго отъ неправды умножися.

69) Скобки въ текстѣ.

70) ... творити.

71) ... на крѣпко и должное, яко цѣльольскія сонмища. Слѣд. соответствующее мѣсто Завѣщанія патріарха Іоаннима.

еретики же Церкви святыя отступные и вси суть прокляти, зане и Апостолъ святой Павелъ и во единой христіанской вѣрѣ братій сущихъ, піанствующихся и безчинствующихъ отлучатися и не примѣшатися къ нимъ заповѣда, кольми паче таковыхъ еретиковъ, развратниковъ и хулителей святыя вѣры нашея отлучатися ⁷²⁾ всячески подобаеть. Еретики бо, яко лютеры, кальвины и латыни не совѣтуютъ и не глаголють, яже церковная правая, но яже челоуѣческая новообрѣтная ⁷⁴⁾ и чуждое истиннаго благочестія; татарове же проклятые злобжники суть, въ нихъ же ни коего добра обрѣтается, ихъ же во благочестивую вѣру всячески приводити подобаеть, и апостольское завѣщанное слово сице глаголетъ: *Нынѣ же писахъ вамъ, братіе, не примѣшайтесь, аще нѣкій братъ (иновѣрецъ же наипаче) именуемъ будетъ блудникъ или лихоимецъ, или идолослужитель, или досадитель, или піаница, или хищникъ, съ таковымъ ниже ясти:* въ иновѣрцахъ же вся сія злобы господствуютъ, обаче вѣрніи люди мнози и честніи съ ними ядятъ не стыдящися и не боятся грѣха. Уклоняющіися же отъ заповѣди сея и завѣщанія отъ Церкви святыя презирающіи и творящіи сами себѣ законъ презорствомъ, како имуть свободитися клятвы, псалмопѣвцемъ присновѣщающейся; *Прокляти вси уклоняющіися отъ заповѣдей Твоихъ,*—чесого вся христіаны избаби Боже! И индѣ глаголетъ: *Измите злого ⁷⁴⁾ отъ васъ самъхъ?* Сія явственно Самъ Богъ завѣща, како со иновѣрными еретиками и злобными водитися и общитися кому и кую дружбу подобаеть съ ними имѣти и—во угожденіи быти Богу: егда вси люди истинствуютъ,—о добрыхъ дѣлехъ прилѣжатъ и содержатъ благія и постоянныя нравы ⁷⁵⁾.

Еще же глагола Господь: егда идеши на брань, свободися отъ всякаго скверна слова; а во христіанскихъ полкахъ и богомерзкіе живые идолы еретики, злословящіе святую нашу вѣру и благочестіе, многіе иновѣрцы: лютеры, кальвины и латыни неправомудрствующіи, да еще и началь-

21 г.
1 Коринт.
V, 11.

1 Кор.
V, 13.

22 г.

⁷²⁾ .. отлучитися.

⁷³⁾ .. не глаголють яже челоуѣческая новообрѣтная.

⁷⁴⁾ .. злое.

⁷⁵⁾ ... и содержатъ благія.

никами волки надъ агнцами христіаны, имъ же всяко оскорбленіе ⁷⁶⁾, бѣднымъ, сотворяють. Нѣсть убо добро еретику чловѣку, неправославну суцу, христіаны православными владѣти ⁷⁷⁾ и начальствовати и судити тыя. Подобаеть православнымъ ⁷⁸⁾, христіаномъ въ таковыхъ чинахъ быти и устроить потребная, ибо благодатию Божіею въ Россійскомъ царствіи царскія державы ⁷⁹⁾ людей благочестивыхъ, въ раоторствѣ искусныхъ и знающихъ, въ полковыхъ стролахъ зѣло много, Апостоль же святой Павелъ зѣло Коринѣяны посрамляше, егда предъ иновѣрцами судишася, глаголаше

Кор. VI,
5. 6.

бо: *Къ сраму вамъ глаголю уничиженныхъ въ Церкви (у насъ же весьма отчужденныхъ) почто посаждаете ⁸⁰⁾ судити вѣрныхъ, тако ли ⁸¹⁾ нѣсть въ васъ мудръ, ни единъ ⁸²⁾, иже можетъ разсудити между ⁸³⁾ братій своихъ? Но братъ съ братомъ судится и то ⁸⁴⁾ предъ невѣрными. Уже убо ⁸⁵⁾ отнюдь вамъ сримъ есть, яко судитесь ⁸⁶⁾ отъ неправедныхъ, а не отъ святыхъ, сіестъ ⁸⁷⁾ отъ еретиковъ и злобожниковъ татаръ неправедныхъ, у нихъ же христіане въ подданствѣ, а не отъ святыхъ христіанъ едиnorodныхъ и единовѣрныхъ Россійскихъ и въ царствѣ единомъ живущихъ.*

23 л.

Иновѣрцы же аще и прежде сего въ древнихъ лѣтѣхъ пользы отъ нихъ сотворяшеся мало, явни бо они враги Богу и Пресвятѣй Богородицѣ, Церкви святѣй и намъ христіаномъ ⁸⁸⁾.

И паствы нашаея всякаго чина люди да не навькнутъ иностранныхъ обычаевъ непотребныхъ; и не утверждении ⁸⁹⁾ въ вѣрѣ и Писанія невѣдящи со иновѣрными о вѣрѣ да не глаголють и лестнаго ученія ихъ весьма да не слушаютъ;

76) . . ими же вся оскорбленія.

77) ... христіаны православными во благочестіи владѣти.

78) Подобаеть въ православныхъ христіаномъ.

79) . . Его царскія державы.

80) .. посаждаетъ.

81) ... толико

82) и 83) Слова „ни единъ“ и „между“ въ текстѣ Завѣщанія не находятся.

84) ... да еще.

85) Сіе бо.

86) .. судитися.

87) ... сіе есть.

88) .. христіаномъ и неостоянныя нравы.

89) ... не утвержденныхъ.

но да возымѣють въ крѣпости отческа я благоразсудная и воздержная ⁹⁰⁾ поступленія въ дѣлѣхъ и вѣщѣхъ, писано бо: „не буди великъ вътромъ носи мѣ“, и змѣняющіея скоростію ^{Ефес. IV. 11.} непотребствъ ⁹¹⁾ и „старѣишихъ не презирай“ и всякое дѣло начиная, смотрите конца ⁹²⁾, каковъ будетъ всѣмъ ⁹³⁾ зане вся тварь и время отъ времени скоро измѣняются и кончина смертная всѣмъ приближается, ей же и азъ и лѣты и болѣзнію ⁹⁴⁾ близъ привержень есмь.

Къ сему епархіи наша я всякаго бы чина люди ⁹⁵⁾ имѣли, по чину своему, и жити во всякомъ опасствѣ и мѣрности, кому что должно и кому что прилично и во всякихъ непользныхъ дѣлахъ не истощеватися и не приходити тѣмъ въ послѣднюю скудость и убожество, излишнее бо все—дѣло ^{21 л. 1) Общій нравственный законъ.} непотребно, по Апостолу же, весьма нѣсть полезно кому, глумленія же и игранія и многое питіе каждому вредно и ^{Слич. Иоан. VI, 63. Евр. XIII, 9} грѣшно есть.

А епархіи наша судіямъ сего ⁹⁶⁾ всего во власти своей должно назирати и судить праведно ⁹⁷⁾, повелительствомъ Государя своего управлять народы въ правдѣ, да правдою, безъ напрасна я тщеты и суеты непотребна я, поживуть по Божѣ духомъ. Мудріи бо мужи подобствениѣ на сіе вѣщана ⁹⁸⁾ всякому чловѣку:

Употреби трудъ, храни мѣрность, богатъ будещи.

Воздержно пій, мало яждь, здравъ будещи.

Твори благо, бѣгай злаго, спасень будещи.

И сицевымъ образомъ во правду всякому въ души и тѣлеси спасеніе отъ Госнода Бога готово, временное и вѣчное, имство благополучное и продолженіе лѣтъ во здравіи.

Такожде завѣщаваю творити по смерти моей, понеже дальняго отъ обѣщанія моего отъ обители Пресвятыя Богородицы Золотниковскія пустыни разстоянія и великаго не-

25 л. Частный распоряженія.
а) О мѣстѣ погребенія.

90) .. воздержанная.

91) ... скоростію потребствъ.

92) !. концы.

93) ... всѣмъ повелѣся.

94) .. лѣты болѣзнію.

95) .. всякаго чина люди.

96) .. и сего.

97) .. праведное.

98) .. вѣщати.

удобства невозможно тѣлу моему грѣшному тамо въ монашѣ, по моему обѣщанію, погребену быти, сего ради молю и прошу у отцевъ своихъ архипастырей, святѣйшихъ вселенскихъ патріарховъ православныхъ и кто по моемъ исходѣ на престолѣ въ дому Пресвятыя Богородицы братъ мой архіерей будетъ, ⁹⁹⁾ и прочихъ священнослужителей, да предастся тѣло мое сродной земли, и погребутъ оно въ предѣлѣ соборныя церкви Архангела подѣ церковію въ исподней палатѣ, а не въ великой соборной церкви, и прошеніе мое во всемъ исполните и не презрите и души моей грѣшной тѣмъ не оскорбите.

h) О по-
стриженіи
въ схиму
предѣ смер-
тію и о по-
гребѣніи
облаченіи.

26 л.

Еще же молю и прошу великимъ прошеніемъ, и не презрите моего прошенія, сподобите мя святому великому и ангельскому образу схимонашескому и пострыгше во образъ той, положите ¹⁰⁰⁾ во одѣяніи томъ по чину схимонаховъ, яко же вси святіи греческіе архіереи и яко же, по образу и по завѣщанію отца нашего архипастыря святѣйшаго Киръ-Іоакима патріарха Московскаго и всея Россіи, онъ заповѣда о себѣ, а намъ образъ предать, архіерейскими же одеждами отнюдь не облачити мене, ибо мы видимъ ¹⁰¹⁾ святыхъ архіереевъ тако древле облеченныхъ тѣлѣса, яко Алексія святаго митрополита и чудотворенія дара сподобившагося, мощи святаго его имуть простое одѣяніе монашеское, дабы и мнѣ въ томъ по завѣщанію святѣйшаго патріарха не разнитися и поне тѣмъ по обѣщанію моему грѣшному хотя мала отрада души моей сотворится.

e) Объ от-
правленіи
сорокоустія
по душѣ
святителя и
объ остав-
леніи за то
по окладу
данныхъ де-
негъ въ по-
лы по всей
епархіи на
годъ.

По семъ же и паки молю и прошу и завѣщавало по смерти моей въ поминовленіе души моей грѣшной да во всей епархіи нашей во градѣхъ и въ селѣхъ во святыхъ обителѣхъ и всѣхъ церквей приходскихъ по окладу данныя деньги по окладнымъ книгамъ въ полы на годъ оставити священникомъ и діакономъ и церковнымъ причетникомъ тѣхъ церквей на сорокоустіе, а нѣ казну тѣхъ окладныхъ половинныхъ денегъ на тотъ годъ не собирать.

А келейныхъ моихъ денегъ у меня нѣтъ.

d) О келей-
ныхъ день-
гахъ.

⁹⁹⁾ Слова „будеть“ въ текстѣ не находится.

¹⁰⁰⁾ ...п положите.

¹⁰¹⁾ ...ибо и здѣ (въ Москвѣ?) и мы видимъ. Слѣч. Завѣщаніе патр. Іоакима.

И еще молю и прошу отцовъ своихъ святѣйшихъ вселенскихъ православныхъ патріарховъ и преосвященныхъ митрополитовъ, архіепископовъ и епископовъ и всего освященнаго Собора, понеже не имамъ въ келліи своей ни злата ни сребра, что дати на воспоминаніе души моей грѣшной, и давать бы на всякое подаяніе изъ казны нашей домовою епископли казначею, кто будетъ на погребеніи, архимандритомъ и игуменомъ и протопопу и священному чину по росписи, какова дана отъ нашего смиренія за нашею подписью при кончинѣ живота нашего отцу моему духовному казначею іеромонаху Тихону, да протопопу Гавриилу, да ключарю Михаилу, да дьякону Филимону, да Успенскому поцу Симеону, да казеннаго приказу подъячому Григорію Иванову.

А по исходѣ души моей грѣшной събрать избранныхъ людей, кому псалтирь говоритъ непрестанно днемъ и ноцію шесть недѣль; чтобъ безъ роптанія и лжи въ той службѣ не бывало дать десять рублевъ

А въ предѣлѣ соборной церкви Архангела Божія Михаила служба бы была въ годъ по вся дни, Апостолъ и Евангеліе за упокой и ектеніи з... ¹⁰²⁾

И впрядь по субботамъ да помянется душа моя грѣшная въ соборной церкви, въ ней же о Господѣ трудихся и во благодати Иисусъ Христовой блаженно скончався.

Сотворите милость и послѣдній мой сей долгъ заплатите и не сотворите къ намъ преслушалів, но исполните во всемъ. Тѣмъ же ¹⁰³⁾ должно апостольскаго ученія слушати: никто же своея пользы, но ближняго своего кійждо да ищетъ; ищай же, по гласу евангельскому, обрящетъ благодать и славу, миръ и милость приметъ отъ Бога, и толкущему заповѣдми Господьми въ двери милосердія Божія ¹⁰⁴⁾ всеусердно, отверзется царство небесное и примуть его во всерадостныя кровы блаженства въ нескончаемый вѣкъ ¹⁰⁵⁾.

~ * ~

¹⁰²⁾ Недокончено въ текстѣ.

¹⁰³⁾ Въ текстѣ: Такожде...

¹⁰⁴⁾ .. и толкущему и творящему заповѣди Господни въ двери милосердія Божія.

¹⁰⁵⁾ ...во вся радостныя кровы блаженства нескончаемый вѣкъ.

27 г.
е) О разда-
чѣ на вос-
поминаніе
души святы-
теля изъ
казны сва-
щеннослу-
жителямъ,
кто будетъ
на погребеніи,
денегъ по
росписи.

f) О чтеніи
псалтири и
о дачѣ за
то десяти
рублевъ.

28 г. г) О
годинномъ
поминове-
ніи.

h) О поми-
новеніи въ
субботніе
дни.

i) Увѣщаніе
къ исполне-
нію по-
смертвой
воли святы-
теля.

Заключи-
тельная
часть.

29 л.

Сія вся заключаю и завѣщаваю, вся оставшіеся люди епархіи нашея всякаго чина и возраста о святой молитвѣ ¹⁰⁶⁾ смиренно прося и отъ всѣхъ васъ прощенія прошу, а вамъ благословеніе мое архіерейское оставляю; мене же грѣшнаго самого Божію вручаю милосердію и непостыдному предстательству Господи моей Пресвятой Дѣвы Богородицы Маріи ¹⁰⁷⁾ и ангелу своему хранителю и всѣхъ святыхъ благоугодившихъ Богу, молитвамъ, вопія и глаголя Богу Отцу нашему небесному: *Отче! въ руку Твою предаю духъ мой.* Аминь.

Обращеніе
къ преем-
нику по ка-
ведрѣ и про-
щаніе събли-
жайшими
сотрудни-
ками.

По семь еще молю и прошу, когда благоволитъ Богъ по исходѣ души моей грѣшной, по благословенію отецъ нашихъ святѣйшихъ вселенскихъ патріарховъ, кто будетъ братъ на архіерейскомъ престолѣ въ дому Пресвятыя Богородицы честнаго и славнаго ея Благовѣщенія, и ему сотворити милость душѣ моей грѣшной, номинать во святыхъ своихъ молитвахъ ко Господу Богу, егда принесетъ Безкровную Жертву Богу и Отцу, тогда и мене грѣшнаго да воспомянетъ, за то и самъ да приметъ отъ Господа Бога милость и по словеси святаго писанія *въ ю же мѣру*

Мѣ. VII, 3. *мѣрите, возмѣрится и вамъ.*

Потомъ молю и у всѣхъ служителей соборныя святыя церкви дабы незабвенно было поминовеніе души моей грѣшной въ молитвахъ, якоже апостоль Павель повѣствуетъ:

Іак. V, 16. *братіе, молитесь другъ за друга, яко да исцѣлите.*

А которыя церковныя всякія потребности, сосуды, церковныя всякія ризы и всякая одежда архіерейская и священническая и діакопская, и книги всякія церковныя въ ризницѣ и въ казенной палатѣ, и то сохранили недвижимо. Еда кто помнитъ быти что излишнее, статьи въ двѣ или въ три и болѣе, и тому быти недвижиму соборныя церкви, ни о цѣнѣ продать, ни отдать кому, быти святой церквѣ, понеже бо собирано съ великимъ трудомъ, все вновь устроилъ Богъ

Посемъ еще молю и прошу у отца своего архимонастыря святѣйшаго патріарха и кто по мнѣ будетъ на престолѣ архіерейскомъ братъ мой, сотворити милость душѣ моей грѣшной, которые труждался въ дому Пресвятыя Богоро-

¹⁰⁶⁾ ...отъ святыхъ молитвъ.

¹⁰⁷⁾ ...предстательству Господи моей Пресвятой Дѣвы Богородицы Маріи.

дицы въ соборной церкви въ ризницѣ іеродіаконы, инодіаконы, и іереи, и іеромонахи,—и у нихъ принять ризница и всякая церковная утварь по книгамъ записнымъ, а имъ тѣсноты никакія не сотворить: я за ними никакого порока не видалъ. Потомъ въ казенной службѣ у казначея принять у него казенныя деньги по книгамъ и всякая рухлядь казенная по росписи, что естъ на лицѣ, а надъ нимъ казначеемъ сотворити милость, ни въ чемъ его не оскорбить и не истѣснить за его послушаніе, а труды великіе подъялъ о строеніи святаго церкви и о дому Пресвятыя Богородицы чрезъ мочь свою въ великой скорби: а послушникъ былъ къ намъ съ великимъ радѣніемъ. Потомъ въ вотчинахъ домовыхъ, въ приписныхъ монастырѣхъ, въ Троицкомъ Боршевѣ монастырѣ, Пречистыя Богородицы Владимірскія въ Карачунскомъ монастырѣ строителейъ во всякихъ домовыхъ доходахъ денежныхъ и хлѣбныхъ потому мужъ ихъ ни въ чемъ не оскорбить и не истѣснить; я за ними никакого пороку не видалъ, трудились при насъ въ великихъ трудѣхъ и въ послушаніи. А которые доходы денежные въ тѣхъ монастырѣхъ и въ вотчинахъ или хлѣба продано за обиходомъ, или съ мельницъ, или съ иныхъ вотчинныхъ всякихъ доходовъ, — и тѣ всякіе доходы принималъ казначей въ казенную, и въ книгахъ казенныхъ все записано, а на нихъ строителѣхъ тѣхъ казенныхъ до- 326. ходовъ не спрашивать. Такожде молю и о дяконѣ Филимонѣ для того, съ начала моего архіерейства о строеніи святаго соборныя новостроенныя каменная церкви и дому Пресвятыя Богородицы и о всякихъ церковныхъ вещахъ и о домовыхъ нуждахъ на Москвѣ и городѣхъ и противъ моего челобитья по имянному Великаго Государя указу,— за его приказную работу и за всякіе его труды въ томъ ихъ не оскорбить и утѣсненія имъ не сотворить, труды полагали истинно и послушаніе къ намъ творили во всемъ.

И за вся сія прошу и молю сотворити милость брату моему, кто будетъ на престолѣ архіерейскомъ, душѣ моеи грѣшной не сотворити тѣсноты и поврежденія, дабы малую отраду пріять въ день страшнаго и праведнаго суда Божія, да не бы кто по мнѣ во всякихъ службахъ оскорбленъ былъ. А отъ нашего смиренія имъ всѣмъ миръ и благословеніе и прощевіе. Потомъ и я у нихъ прошу молитвы

и моленія ко Господу Богу и прощенія, аще чѣмъ кого оскорбихъ словомъ, или дѣломъ, и вы мене грѣшнаго простите и помолитесь о мнѣ. Аминь.

Заключительное
увѣщаніе.
33 л.

Сотворите милость и послѣдній мой сей долгъ заплатите ко Господу Богу молитвами въ душевную мою пользу помяните душу мою грѣшную, да и сами поминовени будете отъ Господа Бога въ день праведнаго суда. Сей глаголѣ мой предстанеть предъ вами и мною на страшномъ судѣ Христовѣ. Не презрите моего прошенія, слезно молю и прошу послѣднія вашей любви ко мнѣ грѣшному, не забудете мене въ молитвахъ своихъ, по апостолу Павлу: *братіе молитесь другъ о другъ, яко да исцѣльете*. И аще кто сотворить по нашему завѣщанію сему нѣкое препятіе въ исполненіи ¹⁰⁸⁾ послѣднія воли моя, или коварство, или лукавство содѣлаеть въ раздаяніи вещей написанныхъ, или не исправитъ по завѣщанію нашему во всемъ раздаяніи, или поскорбитъ и не исполнитъ сего нашего вышешисаннаго приказу, иматъ судію Христа Бога воздающаго комуждо по дѣломъ, зане Онъ—всевидающее око, яко же видитъ кого творяща нечестно, тому и воздасть по дѣломъ его, всякому праведно.

¹⁰⁸⁾ Въ текстѣ... нѣкое препятіе сему исполненію.